




# 陳國強唔夠票 拖梁耀忠落水


## 死忠詛麥潤培死全家 被踢爆吹噓手握13票



■陳國強在fb公開要求麥潤培撤回給梁耀忠的提名。



■麥潤培在fb反擊，指責陳國強謊稱已獲13張提名票。



■麥潤培公開與陳國強對話的WhatsApp截圖。



網上圖片

### 麥潤培全家被詛咒

**Cow Lui：**麥潤培？估都估唔到佢係，但係差不多係（喺）FB講第一個支持你參選，強哥！

**Wingman Wan：**你當人兄弟，最弊人哋當你契弟呢！

**Benny Tsang：**麥潤培心態仍然係舊「泛民」，但退黨只係因為權鬥，唔滿意民主黨唔准佢出選咋。

**TO Tang：**政棍黎（嚟）講呢件麥潤培都算世界級。×，民主黨出黎（嚟）既（嘅）真係有個好人黎（嚟）架（嚟）！

**Gorson Chan：**麥潤培「死全家」！陳國強入唔到關「超區」一定投「白票」！

**Kitty Lam：**「射落海都唔益你mode」。幾日前梁耀忠仲係哦哦，唔肯透露邊D（啲）人提名咗佢……

**Ming Cao：**如果梁耀忠唔拆掂佢，發哥話齋，我下半年，淨係招呼街工！

**Dylan Kane：**你見跟范國威出走果（個）幾個都係啦，宜（啱）家佢地（哋）咪又係痴（癡）番（返）去「泛民」度！

**Tenson Chan：**認住呢班人，一個一個認住，一定要記得，就係呢班罪魁禍首，扼殺咗強哥參選嘅機會，和獨立候選人嘅發展空間！

### 陳國強被指發窮惡

**Lyvian Kwok：**呢個人（陳國強）好有可疑。

**John Foobar：**又到高登鋒你界（提名票）忠哥（梁耀忠），質你白鴿底，「鍵國」「本土」真係幾恐怖下（吓）！

**張瓜露：**麥仔咪同佢哋嘈啦，條友出爾反爾，采（睬）佢有味！明你嘅人始終會明白你！解釋咁多做乜！

**Ringo Yau Ringo Yau：**你信錯人，算啦，下次唔好咁傻。

**Cheuk Hei Ricky So：**好難聽講句，一次提名就得罪晒所有人，以後仲點下去。

**Michael Tong：**厚顏無恥，仲好意思屈梁耀忠搶佢提名票，根本冇乜人想提名佢。

**李嘉廉：**發吓窮惡都唔俾（界）咩？咁係咁嘛！又話簽，簽下（吓）少D（啲），簽下（吓）又少D（啲），俾（界）着你都火啦！

**Sharon Tsang：**正所謂提就人情，唔提就道理，你鬧完「泛民」想人哋提名你？都幾厚面皮。

**Ben Hon：**下下（吓吓）要人幫，幫完就變契弟，唔×該呀真係。

**Cynthia Bik：**點解D（啲）人衰到咁樣，如這陳生當選真有眼睇，又小家又有大將之風，收皮啦！

資料來源：facebook 整理：羅旦

### 網議政事

傳統反對派和激進「本土派」都是「兄弟」，何必分得那麼細？不過講到選舉，就「兄弟」都無情講。自稱激進「本土派」的區議員陳國強，早前聲言有信心取得15個區議員提名，參加今年立法會「超級區議會」選舉。不過，他在多輪告急後仍不夠票，更發現自己的「兄弟」、「新退黨同盟」的區議員麥潤培，已經將提名票給了同樣參選「超區」的街工梁耀忠。陳國強近日在facebook要求對方撤走給梁的提名，其支持者也在網上詛咒麥潤培「死全家」，更稱要「搞」梁耀忠以至其他傳統反對派議員。梁耀忠批評陳國強向提名他的人施壓不公道，「爭取唔到（提名票）唔能怪其他人，兩者之間揀咗我、唔揀你，有乜辦法？」

■記者 羅旦

梁耀忠在報名時已取得17名區議員的支持，多於法例要求的15個，但他打死也不肯透露哪個「傘兵」區議員提名了他。近日，陳國強在fb上載了一張梁耀忠的提名表格，清楚顯示提名他參選的區議員，包括麥潤培，早年已退出民主黨的蘇冠聰，「傘兵」徐子見，前綫譚香文，前社民連成員古桂堯，還有麥業成、王振星及杜嘉倫等。

### 陳國強貼文怨氣濃

陳國強貼文稱，「梁耀忠（報名時）說不便公開的其中八位傘兵提名人，竟有一路拍心口支持我的好兄弟。第十六、十七位給梁耀忠的，其實只是錦上添花，對忠哥絕無影響！既是兄弟一場，可否和忠哥商量，撤走提名！只需一個電話，一分鐘（鐘）的時間！兄弟甚至不需簽名！」文中提到的「兄弟」，很明顯就是麥潤培。一批支持陳國強的激進「本土派」成員就大罵麥潤培「死全家」。不過，當有網民「Anna Ip」着陳國強「不如選新東」時，這些激進「本土」成員即時「變臉」。「Choi Ming Tak」稱，「選唔到超區都唔好（選）新東。」「Ws Liu」稱：「新東唔夠票分，超區好，可以『本土』全攻。」「Wingman Wan」就「講到明」：「新東淨係梁天琦陳雲已經難分難解，個人不建議。」在一片咒罵聲中，麥潤培的支持者上載了麥的fb貼文反擊，文中指，「今天我（麥）出席關學聯論壇，我問陳國

強：你之前周圍同人講有13票，我想問你根本有冇13票？佢答：冇13票啦！後按：咁你又話有13票！？」在回覆網民留言時，他更點明：「我最重兄弟情，但被騙被放上台（枱）除外。……佢哋我就係最大問題。……比（界）我既（嘅）名單唔真的！」不過，激進「本土」一直未有停止對麥的攻擊，麥潤培其後索性公開自己與陳國強對話的WhatsApp截圖。他在帖文中稱，自己曾經和陳國強說過，提名支持對方是有「前設」的：「1.（西貢區議員）方國珊及其派系比（界）票你唔比（界）……；2. 要有建制票……；3. 佢公開話有13票但去左（咗）邊！？」……4. 明明一早有人講明唔比（界）票佢，佢都計埋落去！名單由頭到尾都有13人，仲公開話有13票！」

### 麥挑機促公開15票名單

麥其後再挑機稱，「陳國強先生，比（界）票你有問題呀！請公開你真正的15票。唔可以有方國珊及其派系、建制派、假『獨立』等，你OK既（嘅）我拎住份提名，最後一日去選舉事務處，開住直播一齊交。我更呼籲各位『泛民』友好，同我一齊當日拍片改提名！另外取消提名信已準備。Come on『兄弟』！」「超區」參選人還包括：民建聯李慧琼團隊、周浩鼎團隊，工聯會王國興團隊，民主黨涂謹申、鄭俊宇，公民黨陳琬琛，民協何啟明，「新民主同盟」關永業。

# 黃俊傑抽水被嘲唔識嘢

香港文匯報訊（記者 羅旦）「青年新政」自視為激進「本土派」，但一直不被承認。眼見陳國強提名一事引起激進「本土派」討論，一直在選舉中「冇咩人理」的「青政」新界西參選人黃俊傑，昨日就在facebook抽水，稱自己會暫停選舉工作，為陳在地區收集市民簽名支持。有人譏笑黃此舉完全不明白何謂「代議政制」，有人更揶揄激進「本土」前言不對後語。黃俊傑在fb以《「超區」提名票不是議員的私產》為題貼文，稱「『超級區議會』的提名票該給誰，決定權不應只屬於區議員及其政黨，也屬於該區的人民。……『超級區議會』的不公不義處在於大政黨可以朋比為奸，打壓小政團與獨立人士，以維持自己利

益。」

### 稱收集簽名助陳國強入關

他聲稱會由今日開始暫停自己的選舉工程，開街站收集簽名，「用民意『強烈鼓勵』各區區議員提名陳國強議員參與區議會（第二）功能界別選舉。我們就用由下而上的行動，奪回選民於『超級區議會』票投陳國強的機會。」不少激進「本土派」支持者留言支持，但也有不少人對此不以為然。「Kwun Man Kong」揶揄道：「區議員全布（部）係直選已經有一定民意認受，唔通每做一樣嘢都要再問

選民授權嘅！連咁簡單嘅『代議制度』都唔識就咪出嚟從政啦！」「Nina Cheel」就批評道：「你班蛋散除左（咗）開『泛民』仲識做乜？有乜政績？你鬧人地（哋），人地（哋）做咩要提名你？」「黃活志」也說，「一時又話『超區』係白鴿聯同政府所誕下既（嘅）『怪胎』，轉個頭就去選，點解（激進）『本土派』會轉得咁快？」新界西參選人還有民建聯陳恒鑄團隊、民建聯梁志祥團隊、新民黨田北辰、獨立何君堯、自由黨周永勤、民協馮檢基、街工黃潤達、公民黨郭家麒、「土地正義聯盟」朱凱迪、「香港民族黨」陳浩天。



衛生服務界議員李國麟昨報名競逐連任。同日民主黨的區諾軒及「傘兵」廚師伍永德，分別報名參選批發及零售界和飲食界功能界別，前者挑戰現任議員方剛的接班人邵家輝，後者挑戰爭取連任的自由黨議員張宇人。

## 譚凱邦脫腳退選唔幫同道

香港文匯報訊（記者 鄭治祖）代表「新民主同盟」出選新界西的荃灣區議員譚凱邦，昨日突然宣佈因妻子突患重病而退選，「新同盟」也稱再派人出選新西的可能性不大。不過，所謂「肥水不流別人田」，譚稱自己不會支持其他反對派的新界西參選團隊。

### 藉詞妻急病 拒認人氣低

譚凱邦昨日在記者會上稱，其太太於月初開始感到身體不適，本周病情轉差，突然惡化，暴瘦了十多磅。經醫生初步診斷，太太腹部出現一個很大的陰影。由於太太的身體情況不樂觀，他要長時間陪伴，惟有退選，「我只有夠講係天意弄人。」不

過，他不會辭去區議員的職位。被問及是否因支持度太低才決定退選，他則稱，「今次退選100%是因為我妻子病重，……呢啲揣測係完全無根據。」

### 自己無得選 拒助朱凱迪

對於會否協助其他反對派的新界西參選團隊，如與其形象相近的「土地正義聯盟」朱凱迪，譚則稱，自己的政治理念與環保立場的朱凱迪「南轅北轍」，故不會為其他團隊助選，「新同盟」也沒有類似的討論。

已報名參選新界西的還包括：民建聯陳恒鑄名單、梁志祥名單，新民黨田北辰名單，獨立何君堯，自由黨周永勤，民協馮檢基，「街工」黃潤



譚凱邦昨日在黨友陪同下宣佈退選。

鄭治祖 攝

達，公民黨郭家麒，「青年新政」黃俊傑，「香港民族黨」陳浩天。